

1048

1048
qu

16 - 569.
ALTISSIMI REGIMINE!
DISPUTATIO MEDICO-CONSULTATORIA

De
M A N I A,

Quam
Consensu & Autoritate
Illustris ac Gratosissimi Collegii Medici in
florentissimâ ad SALAM ACADEMIA,

PRÆSIDE
VIRO

Nobilissimo, Amplissimo, Excellentissimo & Experientissimo

DN. GEORGIO WOLFGAN-
GO WEDELIO, Medic. Doct. Anatom.

Chirurg. ac Botan. Prof. Publ. famigeratissimo, S.R.I.

Acad. Natur. Curios. Collegæ Primario,

Dn. Patrono, Præceptore ac Promotore suo omni honoris & observan-
tiæ cultu æternum venerando,

publica artis cultorum ventilationi submittit

JO. LUDOVICUS SCHLAPPERITIUS,
RAVENSPURGENSIS, A. & R.

In Auditorio Medicorum,

d. Junii, Anno M. DC. LXXIII.

H. L. Q. S.

JENÆ
Typis JOHANNIS NISL.

570.

DISPUTATIO MEDICO-CO
SULTATORIA

M A I A

Continentis & Annotatae

Thesauri ac Gratiosissimi Collegii Medicorum
Academiae

PRASIDIS
VIRI

DR. GEORGII WEDDELLII

GO WEDDELLIO, Medic. Doct. Anatom.

Chirurg. ac Botan. Prof. Publ. Sarsburgensi S. R. I.

Acad. Nat. Cur. Colleg. Sarsburg. & Coloniensis
Dr. Patrono, Praeceptoro ac Praefecto suo omnino


JOLYDOVICUS SCHNEIDERIUS

RAVENSBERGENSIS A. R.

In de Historio Medica
b. Junii Anno M. DC. LXXIII

Typis JOHANNIS NISII





572.

Σὺν τῷ Θεῷ!

PROOEMIUM.



In horologiis, si omnia decenter sibi invicem respondent, legitimo indice monstratur tempus; sin rotula exorbitet, vel subtilissima, nullus observatur ordo, sed vel quiescunt omnia, vel turbulenter & confusè movetur machina; Sic in humano cerebro si justa perduret temperies, animalis sensus & motus ritè habent; sin subtilissimum organum turbetur, eccentricitatem facile patitur intellectus, & tota vacillat machina. Rationis hinc imperium succumbit, ipsa quasi sui anima obliviscitur, & brutis non tam similis, quàm inferior redditur homo, quando urgentibus morbi stimulis cum ratione insaniunt, & extra se vertuntur miseri ægri. Sistimus exerebratum juvenem, & cum eo furoris curationem. Annuat Deus Optimus Maximus, ut feliciter omnia cedant!

A 2

HISTO-

HISTORIA.

572.
Vir XXVI. annorum, plethorâ biliosâ pollens, tor-
vum aliâs facili de causâ videns, dentibusque, si ira-
scitur, stridens, habitus carnosî, facie rubicundâ,
ruffis capillis, postquam periculum famæ publicè
sustinuisset, secumque mœrorem cum iracundiâ & vindi-
ctâ mixtum devorasset, servit puellæ noctuque diuque.
Post verò, ab hâc divertens amoris spicula, alii cor suum
devovet, quam & in conjugium ducit. Vix elapsis binis
mensibus, cum prius in Nobilium quorundam coronâ
Baccho generoso fuisset inebriatus, insolito furore, nullâ
praviâ febris, corripitur, quos antea charos habebat, male-
dictis jam prosequitur, parentes adeò ipsos, conjugem a-
versatur & convitiis proscindit, vociferatur, delira loqui-
tur, se Cæsaris confessionarium fingens, mox in cachinnos
resolvitur, validissima vincula dirumpit, frigoris nullum
sentit incommodum, appetitus ferè caninus viget, vigiliis
verò vexatur, permerdat indusia, reminiscitur tamen su-
spectum poculum ipsi ab amasiâ propinatum. Parentes
petunt consilium.

RESOLUTIO.

AFFECTUS, cujus curatio expetitur, est MANIA, fu-
ror, item insania, ἀπὸ τῆς μανίης νοήσεως à *solutione seu*
inanitate mentis dictus, Germanis *Die Unsinnig-*
keit.

Pertinet hic ad res p. n. & quidem symptomata facul-
tatis animalis sensitivæ depravatæ, quippe delira loquitur,
& facit æger.

Adesse symptoma hoc, signa in historiâ relata evin-
cunt, petita i. ἀπὸ τῆς ἐνεόητων κατὰ τὴν τῆς ἐσίας λόγον seu ab Es-

SEN-

573

SENTIALITER INHÆRENTIBUS: Delirium cum furore sine febre, quæ duo delirio addita illud & à melancholiâ & phrenitide discernunt. 2. ESSENTIALITER CONSEQUENTIA seu symptomata alia idem patefaciunt: actiones læsæ in facultate naturali, appetitus ferè caninus; in animali, Vigiliæ contumaces; in qualitatibus mutatis, si huc referre licet, cachinni & rubor faciei; in excretis, permerdatio lintheaminum. His se immiscent furentium indicia alia, audax & minax vultus, tristis frons, torva facies, citatus gradus, inquietæ manus, color versus, crebra & vehementius acta suspiria, recensita à Seneca. *l. de ira c. 1.*

3. CAUSÆ PRÆGRESSÆ confirmant idem, tum naturales, tum non naturales uberius post diducendæ, imprimis verò philti exhibitio, cujus æger recordatur quàm optimè.

4. SIMILITUDO duplex adest, i. intuitu ægri ipsius, licet enim antea facili quoque de causa iracundus dentibus fremeret, tamen jam omnia exacerbata, jam sibi quoad cœtera maximè dissimilis. • Respectu aliorum. Multos vidi furentes, catenis vinctos absque febre, & qui philti assumpserant, à Medicis pro Maniacis habitos.

SUBJECTUM recipiens, UT QVOD est æger ipse, quatenus animâ rationali & corpore constat: UT QVO, est corpus cum animâ vegetativâ & sensitivâ directè & per se; rationalis cum sit *α πωθης*, indirectè & per accidens coaficitur.

SUBJECTUM PRINCIPALE *πεωτων δειληον* est cerebrum, ut simile, in temperie suâ turbatum. Cerebrum respectu cordis debebat esse frigidius, ut temperaret spiritus vitales, magisque exaltaret; in ægro nostro intempera-

A 3

tum

tum est redditum. Spiritus animales humore roscido destituti effervescunt, non secus ac phlegmate ablato magis acriores redduntur spiritus in Chimiâ.

SUBJECTUM SECUNDARIUM est cor, quatenus spiritus vitales & sanguinem igneum ad cerebrum mittit, qui refrigerio solito destituti, uti jam dictum, œconomiam sensuum turbant.

Modus, quô caput in Maniaco delirio afficitur, duplex occurrit: unus per *ιδιοπάθειαν*, quando domestico vitio, nullâ aliâ in collegium adhibitâ parte primò, per se, dispositione permanente, affectum est. Alter, cùm affectum quidem non excludit, ab alio tamen & cum alio viscere per *δευ. προπάθειαν* coafficitur, sicque aliorum in se derivat membrorum peccata.

In nostro agro non patitur per consensum vel positivum vel privativum, *κατὰ πνευματισμὸν καὶ ἰσχυρῶν secundum defluxionem & irruptionem*, sed essentiam, per *συναρροισμὸν, γένεσιν, καὶ ἀφίεσιν*. Continuus est affectus, nec ullâ interpolatione remittit.

CAUSA IMMEDIATA est ignea spirituum animalium dispositio. Accensi nempe sunt igne alieno, ipsis per naturam alieno & peregrino, in ventriculis cerebri, & totâ porosâ substantia stabulantes.

MEDIATE PROXIMIORES CAUSÆ, quoad essentiam considerata, sunt humores biliosi calidi ex prædominio, seu sanguis calidior & siccior; ex subdominio sanguis ipse, ex sententiâ Veterum, ob quam rationem in cachinnos simul æger resolvitur.

Paracelsici deferunt causam affectus nostri principio utili ḡio, qui si sublimetur & cerebri feriat X, delirium concitat affectum, incendit & acredine suâ sensuum domicilium pulsat.

Sylvia-

578.
Sylviani vaporibus acerbis ex conflictu humoris pancreatici & biliosi versus superiora elevatis eundem designant.

Iuxta *Cartesium*, atomis irregularibus animam in glandulâ pineali residentem infestantibus, ipsiusque conceptus turbantibus, causa debetur.

Angli succum nutritium nervorum roscidum peccantem incusabunt.

Modum essendi quo ad, tum ratione *quantitatis* & molis, tum quoque *qualitatis* manifestæ, juxta *Platerum* occultæ (utræque magnæ activitatis sunt) humores peccantes delinquant.

Motu etiam peccant humores hi duplici: *generationis* & *locali*.

Generata fuit materia vitiosa in capite ipso per *συναγωγή* congregationem & collectionem, ob facultatem læsam & errorem externum. Facultas læsa est ab intemperie calidâ & siccâ totius. Error externus symbolam suam addidit, quatenus in rebus non naturalibus, animi præsertim affectibus & Bacchi potu, peccavit æger.

Extra locum affectum vitium **T O T I U S** plethorâ biliosâ *Ἰνὸς αἵματος μέγ* contulit. Imprimis verò cordis calor auctus, qui mediantibus arteriis communicatus cum capite phantasiâ depravat.

MEDIATA REMOTIOR CAUSA quadruplex est.

SUPERNATURALITER Damonem se immiscere morbo non judicamus, linguis enim peregrinis non loquitur.

EX NATURALIBUS eminent **TEMPERAMENTUM** calidum & siccum, seu biliosum, quod ex iracundia, capillis ruffis, aliisque in historiâ recensitis patet. Cum itaque **æger**

576.

æger fuerit φύσει ὀργιλῶς, ὀξύθυμος, naturâ iracundus, acriter excandescens, facillè accedentibus aliis causis in maniam incidere potuit.

ÆTAS ejusdem est rationis, cum in tali siccius & acrius calidum nativum evadat. Habitus corporis carnosus sanguinis abundantiam designat.

NONNATURALES inter se offerunt CIBUS ET POTUS, avidè enim cibos deglutiit, & in coronâ nobilium strenuè bibentium Baccho generoso inebriatus est. Ebrietas verò, dicente Senecâ, nihil aliud est, quàm voluntaria insania.

Altero loco memoranda animi pathemata, moeror, iracundia genuina maniae soror, vindictæ & ultionis fervor, ipseque amor duplex, binis personis collatus. Amantes autem amentes esse, vel fieri facillè, quis ignorat? Accessit philti seu potionis amatoriae haustus incautus, quæ loco amoris in veneficam derivandi ut plurimum furor conciliant, juxta illud Nasonis:

Philti nocent animis vimq; furoris habent.

Venus, quatenus sanguinem accendit, spiritusque & vitales & animales turbat, oblivioni non tradenda.

Inde generatus affectus sequentia post se traxit symptomata, quæ in historiâ signorum vicem obierunt.

Horum jam ratio reddenda.

1. *Nulla quidem adest febris, quia abest, juxta sententiam Veterum, putredo, juxta recentiores, fermentatio.*

2. *Quos antea charos habuit, jam odio prosequitur & maledictis, mens enim laborat, nec rationis imperium firmum stat amplius, quæ quid honestum, quid turpe, dicet.*

3. *Confessionarium Cesaris se esse fingit, quia antea Theologiae operam navavit, & præ ambitione alta petens, quæ vult, sibi persuadet verè adesse.*

4. *In*



4. *In cachinnos resolvitur, quia sanguis bili est admistus.*
5. *Validissima vincula disrumpit, & admirando corporis robore pollet, quia depravatâ ratione appetitus dominatur spiritibus animalibus.*

6. *Frigoris nullum sentit incommodum, tum ob continuam agitationem calidioris & siccioris sanguinis, tum ob imaginationem aliò conversam.*

7. *Appetitus ferè caninus adest, quoniam fermentū in stomacho acrius redditum ad edendum & bibendū stimulat.*

8. *Vigiliis contumacibus vexatur, ob siccitatem nimiam cerebri & ἀναθυμίασεων seu suavium vaporum non tam defectum, quàm turbationem & receptionem malam.*

9. *Permerdat industria, tum quia facultas naturalis præ animali viget, tum quia honestatis ob delirium nullam habet curam.*

10. *Rubicunda est facies & oculi, quod primo loco erat memorandum, nam cum perturbatio attonitos capitis spiritus confuderit, hinc nervi præcipuè qui ex altissimo capite transversim in oculos descendunt, viciniore malo laborant, & crebrius micantibus oculis occultum animi morbum livido ac truci aspectu pingunt.*

Circa PROGNOSIN eventus seu SALUTIS & MORTIS,
Difficulus quidem affectus hic tollitur, cum hectica quasi quædam cerebri sit intemperies, attamen lethalem fore non metuimus, præprimis cum risu delirio conjungatur. Jam verò Cous 6. *Aphorism. 53.* deliria μετὰ γέλωτος cum risu quæ sunt, esse tutiora, quæ autem μετὰ πικρίας, adhibito studio, quasi de industriâ, periculosiora esse scribit. Nec obstat, quod essentialiter cerebrum nostri sit affectum, dominatur enim simul sanguis, ita ut bilis absolutè non prædominetur. Nullum tamen in se delirium tutum, *Galeo 6. aphorism. comment. 53.* autore.

B

TEM-

TEMPUS EVENTUS SEU LONGITUDO determi-
nari quidem nequit, ast per inductionem multorum exem-
plorum & Practicorum omnium consensu, diuturnum est
malum, quod sæpius *συνεπιδησιονες*, *commoritur*. Sed cum
recentior sit in nostro agroto insania, medicamentis eam
debellandam per unum & alterum mensem censemus.

MODUS EVENTUS erit vel juxta *Hippocratem 6. a-
phorism. 21.* hæmorrhoidum fluxus, vel discussio, robore na-
turæ facta.

CURATIO maturanda, præpositis, ceu statuis mer-
curialibus, methodo medendi & experientiâ, cum materiâ
præsidiiorum.

Methodus medendi suggerit indicationes consuetas.

CURATORIA symptoma ipsum respicit, & intem-
periem totius & cerebri alterandam jubet.

PRÆSERVATORIA causas antecedentes corrigen-
das monstrat.

VITALIS viribus naturalibus consulit, vigilias tol-
lendo, aliisque prospiciendo, quæ ægri ex usu sunt.

Satisfit hisce indicationibus ex triplici fonte materiis
præsidiiorum desumptis.

Ex CHIRURGIA generosissimum remedium depro-
mimus VENÆ SECTIONEM, & à magnitudine affe-
ctus & plethorâ indicatum. Secetur itaque vena media-
na alterutrius brachii vel cephalica, sanguisque ad ℥j.
& *λειποψυχίαν* ferè emittatur, ut mutatione sensibili factâ,
fervidissimus sanguis alteretur. Sequentibus diebus, vel
post unam & alteram septimanam, vena frontis incidatur,
ut, quod multis maniacis remedio fuit, & nostro forsan ex-
optato successu mentem reddat auxilium.

Sin contumax resistat morbus, ARTERIOTOMIAM
suade-

suademus retrò aures, vel in temporibus administrandam,
observatis, quæ circa illam occurrunt, circumstantiis.

SETACEUM & VESICANTIA in nuchâ & fonticu-
los, nisi manus dederit affectus, itidem commendamus.

CAUTERIA in futurâ coronali, si æger admittat,
multum conferre poterunt auxilii.

Quin & apertio apicum digitorum Paracelsica, ut
ἐξαπορία imperari potest, si, quod non ominamur, spem
nostram destituat effectus.

EX PHARMACIA se offerunt primo loco LENIENTIA:

℞ *seri lact. destillat.* ℥iij. *essent. fol. sen. anim. rhab. a.* ℥j.
fir. de pom. Reg. Sapor. ℥j. M. F. haustus. S. Lindträncklein.

Vel ℞ *pulv. diasen. Montagn.* ℥j. *conf. anagall.* ℥j.

fir. fol. sen. q. s. F. l. a. bolus. S. Lindbissen.

Quibus ante V. S. clysterem administrandum sub-
jungimus:

℞ *rad. polypod. belleb. nigr. a.* ℥j.

fol. anagall. nymph. endiv. a. m. j.

fol. chamem. n. B. bord. mundat. ℥j.

caric. pinguium no. v. Coq. in f. q. ∇. Col.

℞ ℥j. adde *diapr. solutiv. conf. hamecb. a* ℥℞.

⊖ ♀ i ℥℞, *vitell. ovor. no j. M. F. l. a. clyster.*

PRÆPARANTIA succedunt, materiam cum toto corpore
communicatam temperantia & ad exitum disponentia:

℞ ∇ *nymph. bormag. bugloß. a* ℥℞.

hyperic. ℥ij. nasturt. ∇ tic. ℥j.

~ ♂ *li cephal. ℥ij. fir. de polypod. q. s.*

M. F. potio. D. in fictili. S. Altertränck.

℞ *decoct. ser. lact. capr. ℥j* Inf. per ρ.

fl. hyperic. nymph.

rosar. a. m. j. summit. fumar. m℞.

~ ⊖ ℥℞. *conf. nymph. ℥ij. Colat. manè adde*

fir. fol. sen. q. s. F. l. a. potio. S. ut supra.

℞ *magist. ♀ ♂ l. Jar. ℥j. ⊖ hyper. scord. a. ℥℞.*

M. F. pulvis. S. Präparirsalzlein uff 2 mahl.

580.

Disposito & fluxili reddito hoc modo corpore, eva-
cuabuntur humores atrabiliarii purgantibus propriè sic
dictis.

Káτω; ℞ *helleb. nigr.* ℥ij. *fol. sen.* ℥vj. *passul. min.* ℥j.
herb. anagall. nymph. a mj. *cinam. acut.* ℥j.

Coq. in l. q. ∇ l. Colat. ℥vj. adde *sir. de hyperic.* ℥j.
M. pro duabus dosibus.

℞ *lap. laz. prepar. gialap. prepar.* a. ℥j.
troch. alband. g. iv. ☉ *ziaz.* g. ij.
M. F. pulv. S. Purgierpulver uff einmahl.

℞ *extr. helleb. nigr.* ℥j. *lap. laz. ppt.* ℥℞.
troch. alband. pulv. syr. ppt. a. gr. iv.
M. cum *tinctur. corall.* q. s. F. l. a. pilulæ.
S. Purgierpillen.

Ανω. ℞ ∇ *benedict.* ℞℥. *oxymel. helleb. jul.* ℥vj.
tinctur. lap. laz. gtt. vj.
M. F. haustus. S. Brechträncklein.

℞ *oxysacchar. emet.* ℥ij. *julepi rosar.* ℥℞.
M. F. haustus.

℞ ☉ *vit. Kegler.* gr. ij. ☉ ☉. ℞ *nasturt. vol.* gr. iv.
sacchar. perlat. parum. M. F. pulvis.

DIAPHORETICA, ut peregrinum fermentum per
poros eliminant, materiam potionis amatoria ubi ubi hæ-
rentem disjiciant, malignitatem, si qua inde orta, corri-
gant, in usum quoque vocanda.

℞ *tinctur. bezoart.* ℥j. *corallior.* ℥℞.
~ *secund. human.* ℥ij. M. D. in fictili.

S. *Schweißtr. wässerlein.* Dos. 40. 50. gtt.

℞ ☉ *nasturt. volat.* ℞℞. *conf. alk.* ℥j.

∇ *theriac. campb.* ℥ij. *hyperici* ℥j. M. F. potio.

℞ ☿ *diaph. ZZ. nat. elect.* a. ℞ *mag. perlar.* gr. vj.
sacch. perlat. ℥j. M. F. pulvis. S. *Schweißpulverlein.*

Nec DIURETICA, ut hostis eliminetur penitus, of-
ficio suo deerunt

℞ ~ ☿ *volat.* ℥ij. *ess. sabin.* ℥j. D. in vitr. 20. 30. gutt.
pro dosi, ℞ *clyst.*



Rz clyst. ꝯ ꝯat. ʒij. tinctur. hyperic. anagall. a. ʒj.

M. S. Mxtur ins Bier/ ʒo. 40. Tropffen in ein Möffel.

Rz ~ * ☐ nos. ꝯlia ʒj. lil. convall. ʒB M. S. u. f.

PTTALISMUS ꝯlis (duro nodo durus cuneus) suaderi potest, si continuet morbi ferocia, unctio cum ꝯrio mortificato factâ, tamdiu, donec liquati humores sufficienter evacuentur.

ALTERANTIA & roborantia specifica nunc sequuntur, magnæ contra morbum activitatis, interius, & exterius, tum ad philtrum, tum ad caput directa.

Rz ludi hum. ppt. ʒB. pulv. secund. hum. ʒj.

☉ volat. nasturt. ▽atic. ʒB. perlar ppt. ʒj.

M. F. pulvis. D. in ch. S. Pulver uff 5/6. mahl.

Rz tinctur. ꝯ, sangv. asin. a. ʒij. ess. anagall. compos. ʒj.

D. in vitro. S. Hauptmxtur.

Rz herb. hyperic. verben. a. mj. nasturt. aquat. m B,

rad. pæon. nymph. a. ʒi. bacc. herb. parid. ʒij.

M. conc. cont. g. m. S. Species zum Kräuterbier.

Vel coquantur in sero caprino, & agro sapius propinetur haustus.

Electuarium sequens magnæ erit efficaciam:

Rz conf. hyper. meliss. anagall. a. ʒj.

magnet. ppt. ludi hum. ppt. a. ʒj.

mag. cran. human. perlar. ppt. a. ʒj.

tinctur. corall. ʒB. conf. alkerm. ʒij.

M. c. sir. hyperic. F. l. a. Elect. S. Hauptlatweg.

Rz tinctur. D ʒj. S. HauptTinctur.

Rz tinctur. corall. Dn. D. Presid. lap. lazul. a. ʒj.

D. in vitro. S. u. f.

Rz. pulv. cephal. ZZrini ʒij, lap. lazul. ppt. ʒB.

magist. perlar. ʒj.

M. F. pulvis. S. Sonderbahr Hauptpulverlein.

Nec ipsa ꝯlia & opiata parum conferent ad furibundam nostri ægri curationem, quod in Tr. de opio propediem latius deducet Nob. atq; Excell. Dn. Preses.

B 3

Rz extr.

582.

Rx extr. anagallid. vel hyperic. gr. vj. laud. op. gr. iij.

M. F. l. a. pilulæ. D. in pyxide. S. Stuepissen uff einmahl.

Rx ~ Pl. volat. ess. anod. Dn. D. Pres. a. ʒß.

D. in vitro. S. Hauptessenß.

EXTERNA his opem suam jungent, refrigerantia & humectantia.

Rx sem. 4. frig. maj. papav. a. ʒij.

∇ anagall. hyperic.

verbena a. ʒiij.

F. l. a. Emull. applicetur linteolo duplici fronti, hepatis & testibus.

Rx unguent. popul. ʒj.

⊙ camph. ʒj. Hni ʒß. opii ʒß.

M. F. l. a. unguentum, illinatur temporibus.

Testibus in specie sequens applicari potest epithema:

Rx ∇ solan. hyper.

nymph. semperviv. a. ʒij.

+ rosac. ʒj. camph. ʒj. ⊙ bezoart. ʒij.

M. S. Eiserlicher Umschlag.

Pediluvium hunc in finem etiam præscribi potest:

Rx fol. lactuc. verben.

hyperic. nymph. a. mij.

fl. papav. errat.

ros. pæon. a. mj.

capit. papav. alb. no. x.

summit. aneth. mj.

rad. pæon. nymph. a. ʒj. M. pro pediluvio.

Ex iisdem & capitiluvia additis helleboro & buxo concinnari possunt. Balneationes attemperant sanguinẽ, corpus inquietum demulcent, & blandẽ humectando siccitatẽ corrigunt, quin etiam paregoricã suã vi somnum cõciliant.

His omnibus si præfractẽ restiterit affectus, submersio in ∇am in usum vocari posset, commendata à *Celsol. 5.c.27.* & tum in rabie seu maniã caninã, tum aliã quoque omni lau.



laudanda. Illa enim est aquæ benedictio, ut rabiem ejusmo-
di extemplò sanet, quale exemplum rabiosi hydrophobi
hoc modo curati elegans observavit *Helmontius l. demens*
idea inscripto. §. 47.

Ferulâ item semel atque iterum ostensâ turbatos
componemus spiritus. Et denunciatio & castigatio infani-
am coerces, quibus mens mota est, non erepta.

In DIÆTA NATURALI VICTUS eligatur frigidus
& humidus; condiantur cibi *succo citri, limonum, acetosa.*
Embammata ex *Nasturtio aquatico, quibus folia anagallidis*
addi possunt, crebrò trahantur in usum. Aromata, cibi sal-
si & acres exulent Vinum & ☞ ad ultimam relegentur
Thulen. Cerevisia sit tenuis, alteretur præter supra dicta,
instillatione *Tinctura violarum, hyperic. rosar. anagallid.*

In VITALI AER sit frigidior, alteratus insperione
aquæ frigida, *foliis vitis, hyperici, fl. rosar. nymph. fol. salicis,*
vel *sabina* suffimigio ventilatus.

AFFECTUS ANIMI quocunq̃ue licet modo refræ-
nentur & compescantur, strategematibus fallatur æger.

In ANIMALI SOMNUS omni procuretur modo.
Musica divinum illud mentis humanæ delinimentum fre-
quenti & suavifono susurro ægri aures demulceat, quò
compositi spiritus, requie nectareâ delibuti, somno sese
dedant & communi illo sensuum vinculo ligentur.

MOTUS corporis compescatur. Ligetur æger, nisi
morigerum se ferulæ præbeat, lineis vinculis.

ALVUS humectantibus & stimulantibus sui admo-
neatur officii.

VENUS, quousq̃ue mens redeat, nisi pruritus
insigniter urgeat, vitetur.

Qui

Quī liceat motos animi componere raptus,
 quando agitur furiis, oculis micat acribus ignis,
 & fremit os rabidum, dens stridet, fulmina spirat
 lingua, ac insolito jactatur robore corpus,
 publicitus tradit Tua dissertatio docta.
 I, cathedram felix conscende, & confere pugnam
 sanguinis expertem, sed magnā LAUDE coruscam.
 Perge Tuum studium patriæ doctisque probare,
 sic animi morbos & corporis arte fugabis.

*Pereximio Dn. Respondenti, Auditori suo per-
 industrio, & in consultatorio foro opti-
 mē versato, hanc singularis benevolentia
 tesseram adponit*

Præses.

CL.

DNO. SCHLAPPERIZIO,

auditori suo exoptatissimo,

De

M A N I A C O

consultanti æquē ac disputanti

ΠΑΝ ΕΥ!

adclamans gratulatur

ex animō

Augustinus Henricus Faschius, D.

Archiater Ducalis Saxonicus & Professor

publicus extraord.

P*refixam ad metam, Schlapprizi, proximus adstas;
 inde brevi laurus cinget honora comas!*

SSS (O) SSS


153154


X2615746

R

1017







B.I.G.

Farbkarte #13

ALTISSIMI REGIMINE!

16 - 569.

DISPUTATIO MEDICO-CONSULTATORIA

De M A N I A,

Quam
Consensu & Autoritate

*Illustris ac Gratosissimi Collegii Medici in
florentissimà ad SALAM ACADEMIA,*

PRÆSIDE
VIRO

Nobilissimo, Amplissimo, Excellentissimo & Experientissimo

DN. GEORGIO WOLFGAN- GO WEDELIO, Medic. Doct. Anatom.

Chirurg. ac Botan. Prof. Publ. famigeratissimo, S.R.I.

Acad. Natur. Curios. Collegæ Primario,

Dn. Patrono, Præceptore ac Promotore suo omni honoris & observan-
tiæ cultu æternùm venerando,

publicæ artis cultorum ventilationi submittit

JO. LUDOVICUS SCHLAPPERITIUS,

RAVENSPURGENSIS, A. & R.

In Auditorio Medicorum,

d. Junii, Anno M. DC. LXXIII.

H. L. Q. S.

JENÆ

Typis JOHANNIS NISL.